

Fide sola justificatus est Abraham.

Rom. 4. Joh. 8, 56.

Sic & reliqui omnes Patres: ut extat Act. 15, 11. Heb. 11, 13.

Perstemus igitur ut mons Sion in consolatoria hac doctrina: ut cum illis Patribus, non cum justitiariis, & reliquis Christigenis omnibus, in cœlis latè & æternùm accumbamus.

Quod faxit Deus Pater per Iesum Christum Dominum nostrum virtute Spiritus sancti!

---

## DOMINICA XXVI.

Ex Quæst. 62. & seqq.

BONA OPERA AD JUSTITIAM  
coram Deo nihil faciunt.

TEXTUS Ephes. 2, 8. ad 11. usque.

Vers. 8. Gratia servati estis per fidem: (& hoc non est ex vobis: sed Dei donum est.)

v. 9. Non ex operibus, ut ne quis gloriatur.

v. 10. Nam ipsius sumus opus, conditi in Christo Iesu ad bona opera, quæ præparavit Deus ut in eis ambulemus.